

# APB DAN KOMUNITI: DARI SEKOLAH KE SEKOLAH

**RODHIAH AMZAH, NIK MAHFUZAH NIK MAT, ASMAHANIM HAJI MOHAMMMAD YUSUF, NORASHIKIN MOHD MOKHTAR & MOHD IKRAM MOHD NOR RIZAN**

AKADEMI PENGAJIAN BAHASA, UiTM KAMPUS SEREMBAN

Akademi Pengajian Bahasa UiTM Cawangan Negeri Sembilan Kampus Seremban tidak asing lagi dengan penganjuran program-program dan aktiviti bertemakan komuniti. Setelah dua (2) tahun berlalu angkara covid 19, pihak APB Kampus Seremban telah kembali aktif di dalam memberikan segala keringat dan sumbangan terhadap Universiti dan juga komuniti setempat. Sebuah program dengan kerjasama Gabungan Persatuan Melayu Semenanjung (GPMS) Cawangan Khas UiTM Negeri Sembilan Kampus Seremban dan juga SMK Senawang iaitu "Program Perkampungan Ilmu" telah diadakan dengan jayanya pada 2 September 2022 hingga 4 September 2022. Program ini melibatkan 89 pelajar calon SPM 2023 dari SMK Senawang, guru-guru bagi subjek SPM, 9 orang pensyarah APB dan juga 15 fasilitator daripada GPMS Kampus Seremban. Para peserta program telah bermalam di kolej penginapan Mayang Selida dan segala aktiviti telah diadakan di Dewan Toh Puan Sungai Ujong (TPSU) 2 dan juga Dewan Annex.

Program ini diadakan adalah untuk membantu dan memberi pendedahan kepada para peserta mengenai teknik menjawab soalan SPM oleh guru-guru SMK Senawang sambil dibantu oleh pihak fasilitator pelajar daripada GPMS Kampus Seremban. Selain itu juga, pihak sekolah berharap agar dengan program ini para peserta mendapat pendedahan awal terhadap kehidupan dan suasana pembelajaran di universiti sekaligus menjadi motivasi buat mereka untuk belajar bersungguh-sungguh dan menanam impian untuk melanjutkan pelajaran ke tahap yang lebih tinggi selepas peperiksaan SPM. Program ini bermula dengan majlis perasmian pada hari Jumaat, 2 September 2022 yang dihadiri oleh Pengetua Cemerlang SMK Senawang YM Tengku Adnan Bin Raja Daud, Yang Dipertua PIBG SMK Senawang, En Marzuki Bin Abdul Manap, Ahli-

Lembaga Pemegang Amanah Yayasan Bank Rakyat, YB Dato' Hj Adnan bin Hj Abu Hassan, Koordinator APB Kampus Seremban, En Mohd Ikram bin Nor Rizan, Penasihat 2 GPMS Kampus Seremban, Puan Rodhiah binti Amzah, guru-guru dari SMK Senawang, beberapa pensyarah dari APB Kampus Seremban, fasilitator GPMS dan juga para peserta program. Sesi penyerahan murid sekolah kepada pihak UiTM Kampus Seremban juga telah diadakan dan amanat daripada pihak sekolah kepada para peserta juga telah disampaikan di dalam majlis perasmian. Setelah itu, para peserta program telah dibawa melawat kawasan kampus "campus tour" sebelum mereka berehat dan "check-in" kolej kediaman masing-masing.



Majlis perasmian Program "Perkampungan Ilmu" pada 2 September 2022 bersama barisan tetamu kehormat dan para peserta program.

Beberapa aktiviti telah diatur oleh pihak APB Kampus Seremban dengan kerjasama fasilitator GPMS Kampus Seremban bagi memastikan para peserta mendapat pendedahan yang secukupnya sebelum mereka mengorak langkah ke alam universiti. Aktiviti bersama telah bermula pada hari Sabtu 3 September 2022 di mana aktiviti "Language Explorace" yang melibatkan 5 orang pensyarah APB dan para fasilitator GPMS. Para peserta telah berjaya menjalankan aktiviti ini dengan semangat dan gembira kerana para pemenang telah diberikan hadiah saguhati daripada pihak APB Kampus Seremban.

Aktiviti "Haluan Kerjaya" juga telah disampaikan oleh 2 pensyarah APB Kampus Seremban yang memberi penerangan dan maklumat yang diperlukan para peserta berkenaan dengan kemasukan ke UiTM. Pihak APB juga telah menjemput Puan Nur Izzati Binti Syamsuri, kaunselor UiTM Kampus Seremban pada sesi petang untuk slot ceramah motivasi.



Sesi bergambar selepas aktiviti "Language Explorers"

Secara keseluruhannya, program ini telah berlangsung dengan jayanya kerana mendapat banyak sokongan daripada semua pihak terutamanya Koordinator APB Kampus Seremban dan juga para pensyarah APB khususnya. Perlaksanaan program ini juga telah berjaya mengutip sejumlah RM1365 bagi bayaran penginapan peserta di Kolej Mayang Selida.

Walaupun program ini telah dirancang dalam masa yang singkat dan terdapat beberapa kekangan sewaktu program berlangsung, namun semua masalah telah dapat diatasi berkat usaha sama para pensyarah APB Kampus Seremban dengan kerjasama fasilitator GPMS Kampus Seremban yang telah menggembungkan tenaga dan minda bagi menjayakan program ini. Semoga program-program komuniti dan kerjasama dengan pihak sekolah dapat dianjurkan lagi di masa hadapan bagi memberi peluang kepada pihak Akademi Pengajian Bahasa Kampus Seremban untuk berkongsi kepakaran serta menyumbang kepada masyarakat setempat khususnya. Objektif program ini telah dapat dicapai dan para peserta serta pihak sekolah amat berbesar hati dan gembira akan perlaksanaan program.



Majlis penutup dan sesi penyerahan pulang pelajar  
SMK Senawang